

循化志

卷之七

水利
農桑

鹽法
茶法

經費
風俗

物產

循化志卷之七

閩中海峰龔景瀚編

金臺星泉李本源校

水利

廳境多山田惟起臺邊都二溝有水泉之利番回引以爲渠漑田轉磨然泉力微夏月常苦旱黃河行境內而人不知用皆云岸高水下勢不可引顧自其上流開之亦自可行工大費鉅蓋慮始之難也予初下車卽飭所屬繪圖貼說詳著形勢以爲經理之本方

循化志

卷七

水利

一

議復開草灘壩新渠墾城東荒田而徐及引河之策不旋踵去任事遂中止圖說未及上兩溝支渠數十舊卷俱未詳且多舛錯今書其所知者而闕其餘以俟考

起臺堡渠四道曰甯巴渠曰三寨水渠曰磨渠曰迭思慢渠皆引起臺溝之水

夕廠工渠 道未詳其數與名引夕廠溝之水

張哈工渠 道引起臺溝之水

清水工渠 道引起臺溝之水

按起臺溝與夕厰溝二水會於張哈工之白莊本一水也而舊冊云夕厰溝山河渠一道自夕厰溝腦起至清水莊流入黃河止共澆地一千五百四十五段起臺溝山溝一道自哈家寺山腦起至木厰塘止流入黃河共澆地二千九百三十一段則似兩水分流各入河者誤起臺溝之水亦非木厰入河蓋當時書胥隨意填寫者其所開地段亦不足據

邊都寨渠十三道曰多娃莊渠曰臘木車渠皆引邊循化志

都溝之水曰純義渠曰三存臘卡渠曰臘木車渠曰臘黑順渠皆引統義溝之水曰泥夕渠曰日茂渠曰張家渠曰牙順渠曰熊哇渠曰西黑藏渠曰腦甯哇渠皆引中庫溝之水

按三溝之水合於查家工統曰邊都溝

查家工渠 道引邊都溝之水

街子工渠七道東岸曰馬家渠尢浪渠巴雜渠官渠別烈渠西岸曰說力渠掌教坊渠皆引邊都溝之水草灘壩渠二道曰舊渠曰新渠引邊都溝之水新渠

今廢

按草灘壩有上灘下灘田地舊渠從街子工渠取水自上而下上莊澆畢方澆本灘水常不足下灘則久爲荒地也乾隆三十四年同知張春芳始議開新渠於街子工東岸開新口在五渠之下五渠餘水盡入新渠水常足用下灘亦開墾分一百四十股書役亦按股受田渠自街子工至土門山入黃河長三十餘里澆草灘壩田一千五百六畝下灘地八

循化志

卷七 水利

三

百三十畝至四十六年逆回之變無人修理渠口淤塞不能疏通前所買開渠田地皆爲原主估種草灘壩田半荒廢而下灘無論矣渠穿別烈渠而行別烈工在上游法當置木槽上度別烈渠之水而下行渠水別烈工人意不欲多方阻撓余方查勘間令復舊跡而已去任矣

同知張春芳草灘壩工水渠記循城之東有草灘數十頃平坦曠野屬於撒喇之草灘壩工蓋由是

得名也戊子春余甫蒞茲土覩斯地之荒蕪竊□
山嶺之區鮮得此旣溥且長者乃委棄與石田等
何惰農之自安也旣思循化雨澤素鮮每藉渠水
之利獨是河水難通又無溪澗何以資其灌溉爰
謀之鄉老思濬一渠據稱曩者亦曾開溝限於水
低不到若何余亦旋權輦篆不及爲計己丑春復
來度形勢之高下聚百姓而親歷指示由西之街
子工土游開濬歷錠匠至石頭坡盤旋山麓越舊
渠而至西溝轉折於沙坡嶺脚至乙先哈喇莊及

循化志

卷七

水利

四

城之南轉東之達土門山下大路計二十里而屈
曲一通渠長倍之擇吉季春七日興工斯民咸踴
躍爭先從事越五日而成丈得地約二十萬弓計
畝則三十餘頃按股受地四時之水不竭不特向
之荒蕪者頓成沃壤卽渠下所歷田畝亦無旱乾
之虞至渠口所傷水磨及開損處量償其直余雖
疲心力而視民之樂於從事因爲之記俾後時之
民知所修濬則享其利也溥矣乾隆三十四年歲
次己丑孟夏立

碑在廳署二門內

保安堡渠 道引保安大河之水

按舊冊以爲野雀峽山渠一道自野雀山腦起至吳季李脫四屯流入黃河共澆灌地一千三百五十段考之當卽保安大河也四屯分別河東西則非獨一道之渠也錄之俟考

狄道州河州水利 附

循化廳其始爲河州廳關防曰河州監收錢糧而已乾隆二十四年甘肅巡撫明疏稱蘭州府屬之狄道河州皋蘭金縣靖遠五州縣雖旱地居多然引洮黃

循化志

卷七 水利

五

二河之水灌溉者亦復不少乾隆十八年間曾以河州州判兼銜水利移駐定羌驛督理渠道但究屬微員不足以資治理今請以該府河州同知兼水利銜經管狄河二州水利以該府河橋同知兼水利銜經管皋蘭金靖三縣水利並請將臨洮道兼銜水利統爲督率每遇冬冷水涸之初責令在於境內逐一查勘如有淤淺阻塞汕刷殘缺之處務於次歲春融時撥夫修濬一律寬深堅實具結核奏吏部覆准於是河州廳換給關防兼管水利狄河二州各上渠道清

冊自是年至三四十年每歲出票行查而總甲等亦各具結在案此後間一行之四十六年以後則寂無聞矣蓋移駐循化相距既遠視爲具文久遂併其虛文而亦廢之也然職分所在不可忽也今錄二州水利具載舊卷者詳書之俾後有所考

河州東鄉

洪濟橋渠乾隆三年開寬五六尺深七八尺不等引洮水自中莊起至紅塔寺流入洮河長二十里溉田一萬餘畝

循化志

卷七

水利

六

東川古渠寬八九尺深二三尺不等引大夏河水從東城門起分爲四壩各設總甲分管至九眼泉流入大夏河長十里溉田一千九百畝

南川古渠寬八九尺不等引大夏河自漫灣川起至牛春河流入大夏河長五里溉田三百五十餘畝又一道寬八九尺深六七尺不等引大夏河水自磨川起至牛脊河流入大夏河長三里溉田二百餘畝

河州西鄉

上西川渠乾隆十一年開寬六七尺深七八尺不等

引大夏河水自雙城紅崖根起至十里屯寨流入大夏河長三十里灌田五千五百餘畝
下西川古渠二道寬七八尺深五六尺不等引大夏河水自石頭灣起至東川流入大夏河俱長十里溉田三千五百五十餘畝

河州北鄉

賈家塬渠寬五六尺深四五尺不等引銀川河水自本處起至蓮化寨流入黃河長二十里溉田二千餘畝

循化志

卷七

水利

七

中隔大溝五處以木架槽接流渠分五壩設水平定分寸輪流溉灌第一壩水平七寸一受水五晝夜一受水五晝夜一受水六晝夜共一十六晝夜小股一百四十二分半修渠時出夫七十一名半第二壩水平七寸受水一十五晝夜一百四十二分半出夫七十一名半第三壩水平七寸受水一十六晝夜一百四十二分半出夫七十一名半第四壩水平八寸一受水四晝夜半一受水一十二晝夜共十六晝夜半一百四十七分出夫七十一名

半第五壩水平八寸一受水七晝夜一受水五晝夜一受水五晝夜共十七晝夜一百四十一分半出夫七十一名半

喇嘛川嘴頭寨渠寬三四尺深二三尺不等引大夏河水自瓦房橋至鹽場寨流入黃河長十里大渠受水七分漑田七百一十餘畝出夫七十一名支渠受水三分漑田三百餘畝出夫三十名

河州南鄉

定羌驛東西兩川乾隆三十年開渠七道共漑田二萬四千一百六十餘畝

循化志

卷七 水利

八

東川第一渠寬三尺深二三四尺不等引廣通河水自藍家磨起至江家磨流入廣通河長二里

第二渠寬四尺深二三四尺不等引廣通河水自康家磨起至周家河灘流入廣通河長六里

第三渠寬三尺深三四五尺不等引廣通河水自李家磨起至倒回溝流入廣通河長一十里三分

西川第一渠寬四尺深四五尺不等引廣通河水自張家磨起至高塆堡流入廣通河長十一里七分

第二渠寬四尺深三四五尺不等引廣通河水自雙溝起至劉家溝流入廣通河長五里五分
第三渠寬四尺深四五六尺不等引廣通河水白曹家磨起至三家集流入廣通河長十一里
第四渠寬四尺深三四五尺不等引廣通河水自下康家起至張家灣流入廣通河長十九里

按此皆河州二十四年所上册也檢卷尚有數渠爲本渠總甲所造册而河州册無之或二十四年以後新開者附錄之

循化志

卷七

水利

九

魚池灘會渠三道後渠深三四尺寬二三尺不等自牛脊河引水起至草灘托家下止長七里溉地三十六石八日輪灌中渠深三四尺寬二三尺不等自牛脊河引水起至草灘祁家莊止溉地二十六石五日輪灌前渠自牛脊河引水起至踏山止長七里溉地三十二石十日輪灌

前西川會二社渠深二三尺寬三四尺不等引大夏河水自加塘灣起至西川二社止長二十里

改河川三家集渠寬八九尺深五六尺不等引定羌

驛大河水自趙家集起至裴水家莊止長三十餘里
按定羌驛大河水卽廣通河水也廣通河古
之大夏水其所謂大夏河水則古之灘水也

狄道州北鄉

新添舖小水渠寬四尺深二三尺不等引東峪河水
自五里舖起至朱家溝止長五里漑田二百九十畝
楊家莊小水渠寬五尺深二三尺不等引洮水自潘
家磨起至窟洞道止長十五里漑地九百九十畝
邊梁孫姓小水渠寬五尺深二三尺不等引洮水自

循化志

卷七

水利

十

金家堡起至東改河溝止長十二里漑田八百八十
六畝

古城子小水渠寬五尺深二三尺不等引洮水自水
泉子起至朱家窩坡止長二十里漑田六百畝

沙泥站小水渠寬三尺深一二尺不等引泉水自王
府莊起至站河止長六里漑田四百畝

哈沙溝小水渠寬三尺深一二尺不等引泉水自於
家門起至道陌下止長三十里漑田四百七十四畝

狄道州西鄉

三岔河小水渠寬五次深二三尺不等引三岔河水自佃支崖起至邊家灣止長三十里溉田五千五百九十四畝

按狄道州共渠七道皆設水老渠頭

南鄉改河白石崖渠溉田二千七百畝分四牌

按此渠狄道冊不載乾隆三十年以渠口新咽控告會勘見於廳卷所引不知何水寬深長短俱未登明然固舊有之渠也而狄冊遺之未詳何故

農桑

甘肅農桑多缺不講而循化尤甚番民以畜牧爲生耕種者不及半惟撒喇族回民及起臺邊都二溝番民頗有水田得溝漑之利然皆鹵莽特甚至於蠶事不獨目所未見亦復耳所未聞矣舊卷中有涼州舉人張希孔稟福閣部種桑及區田事宜當時通行各屬同知達桑阿回稟循地土脉沙鹹不宜種植桑棉民間素用羊毛績線織褐並無惰民至區田之法循化多係山田水地不及十分之一渠水亦甚微細俱循化志

卷七

農桑

十二

難辦理雖相時勢以言要亦未必貴力奉行也今姑錄之以俟後之有心人

張希孔呈竊經國大務無過農桑古云一女不織或授之寒而况通省不織乎蠶桑甘省本有之業因往代兵燹之後樹木砍伐殆盡物易人遷樹桑養蠶之法盡失其傳習而不察遂爲風土不宜之說因而棄之不講五穀之外一無所生人人衣被冠履皆取給於外省而賫穀以易之因衣之廢而穀減其半若衣有所出自不輕糶粟麥餘一餘三

何慮饑饉故爲邊民謀積貯之道農之外無過於桑因地之利盡民之力無論墻下路旁隴畔田邊悉爲植桑地歲能取絲三五觔卽完賦稅有餘且水絲一觔貨銀一兩四五錢可買木棉二十觔足一家一歲之衣若取絲數十觔卽中人之富矣况桑無風蟲水旱之災五穀歉收可養蠶取絲以補歲計而桑子熟於青黃不接之日亦可數旬充饑其利最溥功與農配故曰農桑禹貢桑土旣蠶良以木各有所宜之士惟桑無不宜誠能殷殷開導

不過數年蠶事大興農人添一倍之利穀無所費積貯盡在民間豈不美哉抑又有進者民可使勞不可使逸勞則善心生逸則淫心生邊民於農忙之外冬春二季毫無所事男逸於外女逸於內往往相聚嬉戲流入游惰漸成邪僻若蠶桑一舉正月理蠶室二月織箔曲制什物三月養蠶四月繅絲七八月積絲織絹九十月栽桑冬寒修樹身有所事則心有所向勤日長而惰日消不惟厚民生兼有以善民俗也舉人游學關中遇興平處士楊

岫所著豳風廣義一卷於樹桑養蠶之法織工繅絲之具無不備具確有成效願以此檄行州縣並附區田法式一則 前任陝西藩憲帥公所著區田要錄其法不論田之美惡不計地之多寡不須牛力不消工費竭一家婦子之力即可收功而於貧難無田之民尤便每區一尺五寸之地收穀三四升卽大旱減收亦得二三升每畝六百五十區可得穀二十餘石減收亦得十餘石已足養活一家按區田之法創自伊尹湯有七年之旱而不爲

災詳見農政全書後世行此而效者竟州刺史劉仁之昔在洛陽於宅內十七步之地畫爲區田收粟二十餘石太原同知朱龍耀於署中後圃爲區田每區田穀三升是前人歷有成效凡有田家聽其自種旱穀外量種一二畝區田豐年可以兩全設遇大旱區田所收亦足免於饑饉至無田之民司牧者查葉地每戶撥給一畝爲區田一家五口可種一畝已可足食家口多者隨數加增此禦旱之良策警惰之妙用也謹列條件於左田一畝潤

一十五步每步五尺計七丈五尺每行濶一尺五寸該分五十行長一十六步計八丈每行寬一尺五寸該分五十三行長濶共二千六百五十區空一行種一行隔一區種一區可種六百五十區不種旁地以盡地力每區挖鬆深一尺四方如一尺五寸區田既就起出鬆土約一寸用熟糞一升與區土和勻將籽種勻撒在土以手在糞土上按實使土與籽種相粘然後將起出鬆土覆上鋪平行與區各隔一既緩地力又可有空處澆水苗出之

時看疎密初種不可太密相去一寸半留一株區之邊上多留一株每區又分十行每行十一株每區得一百一十株以粗壯好苗約估揀留亦不必逐株細數也不可貪多區有四邊邊上多留一株靠一邊留空三邊也禾苗留足之後俟當鋤時製小鋤一把寬一寸長四寸鋤去野草如鋤過八遍草盡土鬆結子飽滿禾穗長大所結顆粒必重下墜遇風一倒便傷須於苗出尺許長時卽用土壅根漸長漸壅縱大風不搖澆灌之法無定視土之

乾濕乾則量澆使其潤濕則停澆不致徒長苗梗而不結實以近水爲主而不能處處近水取水之法因地制宜或引泉流或置池塘或鑿井或負擔大約旱天亦不過澆五六次凡高原平陂邱坡及宅旁空場隙地無論成畝不成畝但一尺五寸爲區地雖畸零斜尖無不可做其區當於閒時因地之大小爲區多寡器具止用小鐵鋤及鍬鑿墾斷貧難之人最爲便宜 福閣部批西土不蠶久矣然蠶桑載在邠風至今邠州植桑尚繁蘭城亦間

循化志

卷七

農桑

十六

有此樹特俗不知蠶是以栽處尚少卽有桑亦多棄置非地土不宜也本部堂去年出口所過哈密迤西各回城爭以桑葚來獻可見回疆栽桑較盛內地如喀什噶爾一帶多種棉花而甘省竟無之方謂播種棉花當及早圖之俟有明驗再議蠶桑茲閱該舉人所稟似非迂濶之談仰蘭州布政司轉飭所屬各就風土情形詳悉講求可否試辦妥

爲稟聞

廳卷

按乾隆八年甘肅巡撫黃牌飭各道轉行所

屬種植樹本修濬水渠教民紡績修理橋梁
道路凡四條勤勤懇懇委曲詳盡非徒託之
空文者而一時奉行亦畧有成效當時大
吏其留心吏治如此以泛言通省非循化一
廳之事故不具錄時同知莊某惟覆栽種樹
木一條稱口外各族寨地方均重山疊嶺地
氣寒燥無水澆灌種植實難成活其餘概不
置議然今自起臺邊都近城一帶山上無樹
木其平川之地均可種植且近黃河又有渠

水莊丞之言毋乃近誣則其餘亦未必不可
行也

鹽法茶法

循化所食之鹽有二種一爲土鹽卽在黃河以北諸山下沿河一帶鹹二回民取土以水泡之經夜去土將水入鍋熬煮成鹽爲方塊一爲青鹽出於青海蒙古人駝西甯由西甯轉販入境青鹽味佳而自西甯至此路遠脚價重故來者少民間多食土鹽自廳員移駐至今無課無稅考河州志土鹽稅銀十三兩以河州之廣而稅僅如斯以邊地番夷雜處聽民之便也循化前屬河州今在口外環而居者惟番與回宜循化志

卷七

鹽法茶法

十八

其無稅矣

河州廳自明以來專司茶馬其制考河州志載每歲奉部頒引目給散商人赴湖廣產茶地方採買每引茶十篋重一百觔每引外給附茶十四觔爲木商腳費茶運到日一半入庫易馬一半給商貨賣今一篋改爲二封中馬多寡不一臨時撥派每中馬一匹給茶二十四封每馬一匹日支草二束料三升其中馬番族凡十九族前同知郭朝佐重修監督府署碑記云予居是任三載以來中馬三千餘匹而茶封不至

於壅滯郭蒞任在康熙四十二年是其時中馬之制
尚未停也四十五年甘肅巡撫秦令商人改折每篋
納銀四錢其陳茶仍給番族每馬一匹折銀七兩二
錢收銀解司其制已變然尚有中馬之時雍正四年
諸族按地納糧清查案內云中馬久停是其停止當
在康熙末年時也然則州之茶司尚存蓋茶封雖不
易馬或變賣或搭餉或折收必官茶銷通而後可故
中馬雖停而私茶之禁甚嚴乾隆十八年始歸驛傳
道管理今之蘭州道也二十五年裁河州茶司二十
循化志

卷七

鹽法茶法

十九

七年廳員移駐循化而茶馬之事遂全無干涉矣今
錄其大畧於此以誌舊制云新疆既闢官茶運於口
外而商茶仍銷於口內官茶九成折色本色有限商
茶改折則本色愈多私販盛而商茶壅國課難完故
緝禁之文歲歲不絕而終不能禁近年以來無地無
私茶循化河州所食散茶皆大葉而黃色者較之官
茶其價甚廉聞皆出於四川由松潘一路來者至此
不過十餘站雖官茶銷於新疆不至壅滯而商力既
困則課本必累是宜加之意矣

經費

同知每歲俸銀二十七兩八錢六分 養廉銀八百兩 額設民壯八名每名每歲銀六兩共銀四十八兩 快役六名每名每歲銀六兩共銀三十六兩 皂隸六名每名每歲銀六兩共銀三十六兩 門子二名每名每歲銀六兩共銀一十二兩 斗級二名每名每歲銀六兩共銀一十二兩 乾隆三十四年蘭州府議於狄河二州壯丁內撥補各一名每歲工食於狄道河州移取

循化志

卷七

經費

二十

按循化諸事草創額設未備有監獄而無禁卒亦無件作每有事於河州調取往返輒需旬日其民壯皂班亦復寥寥蓋應役者河州人四十六年以前同知多駐河州附名者衆至四十六年以後長駐循化彼既遠離父母妻子又自餬其口勢不能贍以漸散去故至今六房書辦僅八名三班之役亦止三十餘人有事則不敷用至設倉三處而斗級僅兩名韓家集今雖不貯糧而循河兩地亦豈二

人所能照料乎此皆宜照口外之例增給工食廣爲募設者也至同知有養廉而無公費每歲除公幫公攤司扣外所得不過三百餘金一切雜費皆出其中如墩臺則每年三十餘金考棚則三年一百七十餘金之類是也官此者謀衣食之不暇而能盡心於地方之事哉使之則必報之雖國家經費有常在當事者之善爲調劑矣

罪囚口糧十石燈油鹽菜錢五串文乾隆三十八年循化志

卷七 經費

二十一

奉文設在河州額設囚糧燈油鹽菜內分支 監犯每名日給口糧一倉升燈油鹽菜銀五釐 棉衣每件價銀四錢七分先行捐支另文請領

儒學訓導每歲俸銀四十兩 門斗二名每名每歲銀六兩共銀一十二兩

叅將每歲俸銀三十九兩三錢四分 薪銀一百二十兩 蔬菜燭炭銀四十八兩 心紅紙張銀三十六兩 養廉銀五百兩 例馬八匹春冬每匹每月支料豆九斗草六十束每束折價銀一分夏秋每匹

每月支小乾銀九錢

都司每歲俸銀二十七兩三錢九分四釐 薪銀七

十二兩 蔬菜燭炭銀二十四兩 心紅紙張銀二

十四兩 養廉銀二百六十兩 例馬四匹

守備每歲俸銀一十八兩七錢六釐 薪銀四十八

兩 蔬菜燭炭銀一十二兩 心紅紙張銀一十二

兩 養廉銀二百兩 例馬四匹

千總每歲俸薪銀四十八兩 養廉銀一百二十兩

例馬二匹

循化志

卷七 經費

二十二

把總每歲俸薪銀三十六兩 養廉銀九十兩 例

馬二匹

經制外委每歲養廉銀一十八兩 外支馬糧一分

風俗

番民

婚禮男家令媒求女家女家允之媒復命復持男家酒一瓶赴女家飲女之父母及其親房伯叔兄弟則婚定矣不立婚書女家殺羊待媒酒飯遂議財禮俱以牲口或馬或髦牛或犏牛或羊量男家之貧富或百或五十隻或數隻俱可擇吉日先送其半俗無時憲書於番經選擇若富家婿亦於是日全往財禮之外別備羊隻或百或五十送其妻父其妻父回送馬

循化志

卷七 風俗

二十三

一匹氍毹拌襖一件狐皮帽一頂牛皮靴一雙拴腰小紅梭布一疋及花布手巾貧家則但媒人送財禮而已娶皆以八九月以禾稼收也至期男家女眷迎於路新婦服青氍毹一裹圓布則桃紅或綠色戴狐皮帽或尖氍帽穿牛皮靴其髮結小辮幾十縷分三道垂於後至腰外用褐內用布將髮平排以毛線縫之褐上頂紅瑪瑙圓而長者每道二三十枚不等又頂海巴殼每道一二十枚不等謂之石墩白而大者每枚銀一兩以多爲貴表其富也頭上戴以大氍套

新婦騎馬惟母不送女眷及其父親房兄弟皆送至
婿家不行禮帳房中以口袋數隻羊毛堆高爲關隔
外以白褐單蓋之送親女眷全婿家女眷坐其左翁
及婚及男家男人送親之男眷皆坐於右新婦見姑
及長親亦起立但不去頭上蓋不見禮其翁及婿並
不見男家供酒飯三日送親之男女仍擁新婦以去
不成親也乃送前所留財禮之半交送親之人去一
月或兩月仍擇吉日女家一二人送新婦來衣服如
前至婿家乃去氈蓋仍不行禮是日乃成親夫婦不
循化志

卷七 風俗

二十四

同宿各伏一方至人靜婿乃私就婦交仍歸原處自
是遂以爲常蓋番俗無被褥也次日領赴各帳房謝
亦不行禮嫁女衣服惟布與氈氈紅綠青三色以襜
連盛之於初次送來並石墩多少紅瑪瑙多少俱記
其數仍攜回至二次復來乃送奶牛二隻騾馬二匹
麪青稞酒等物數馱爲其女食用而衣服石墩等仍
留於家一半年後夫婦和悅無間言或生子女乃金
給之此帳房之番也若土房之番或雜用表禮

喪禮父母死大小男女哭盡哀請喇嘛七人左右誦

經移屍帳房門內之左以白褐單蓋之三日或五日於番經選日時以皮繩束屍爲一團頭屈入胯下縛牛鞍上屍出門以牛乳數碗潑門外以栢枝薰帳房駝至山浚直坑其傍開竈門置屍於內以火從竈門燒之成灰蓋以土不起墳插木竿掛布旗上寫番經每逢忌日家中誦經七日或五日永不上墳其孝服男女各解髮辮婦女不戴石墩瑪瑙衣服反穿一月乃如常

新年初一日赴寺中向大喇嘛叩首回帳房食茶仍

循化志

卷七

風俗

二十五

赴寺繞行寺舛十餘周有病者以身貼地行達寺一二周不拜年有親或相好者諸至其家食茶及炒麪忌不與人火過初五日乃如常

正月十五日皆赴大喇嘛處摸頂人多喇嘛以木竿繫紅布環而擊之被擊者歡喜無量其未擊者哭求擊或俟四五日乃去六月十五日亦然

各寺喇嘛正月六月自初一日誦經至十五日大喇嘛臺座念經戴面具着彩服蟒袍異色者三十二人爲天王菩薩牛頭馬面護法諸像於寺中壇上跳舞

其始以鼓樂喇叭號筒自中迎之兩兩繼出其後乃合跳以炒麪合酥油做赤身人形置丑角木盤內下襯三角紬幅天王一人以小木劍而支解之誦經畢又以鼓樂鳴炮送之寺外一二里餘而還是日執事者收番漢民人布施

過年取河水列牆上塊塊相接除夜於房中燒香念經其父母已故者叩首哭泣乃團坐食茶而睡

回民

婚禮亦有媒人至女家女之父母允之又請其親房叔伯父俱至皆允之乃以麪用油和成熟散以盤盛之遍食之謂之油交團食此則永無異說矣媒人裏其餘復命以示男家卽如漢俗之婚書也其財禮亦當日定議馬二匹或馬一騾一貧者則以四小牛擇日令送貧者先送其半臨娶又送紅梭布一對綠梭布一對藍布袴料布一疋藍布裙料布一疋桃紅布主腰料一疋富者被面料布二疋被裡料白大布二

循化志

卷七

風俗

二十七

丈娶日婿及男親皆往迎至女家門外環坐野地其尊長爲誦合婚經婿在野中跪新婦在家中跪誦畢女家送油麪砵磬磬又名油香每人各一器牛肉各一塊卽各先回女家一女人送新婦來各騎牲口其男眷或多或少女眷同新婦至婿家婿家閉門索禮以女鞋一雙與之乃開門婿家以箭桿二枝與新婦兄弟婿家女眷奉奶茶四盃同送親女眷對拜三拜送親女眷食少許乃同新婦進房在竈門前立其送親男眷不入門環坐野地婿家以牛肉磨麻油麪砵磬

餽子餉之先回至晚成親不拜天地不拜祖宗翁姑
次日夫婦各洗浴新婦拜見翁姑及各長輩婿赴女
家拜女父母各親 新婦耳戴大耳環如鈎或重至
一兩頭上戴銀花及銀冠子身穿紅綠布服或紬緞
多如漢制脚穿布鞋青底紅身

喪禮父母死大小男婦哭泣置屍木牀上東西向不
向南北卽日浴屍裸其身以三布單撒紅花潮腦自
下而上裹之束以布條入木匣擡至墳浚一直坑又
斜浚入內謂之穿堂開匣解布條將屍側身置穿堂

循化志

卷七 風俗

二十八

內地上開頭上布單露其面以土坯塞門外填土其
土起墳掌教誦經先散親房尊長仍留一人念經此
一人爲其家中所請者每日三次至墳誦經凡四十
日乃止家中逢七日請衆人誦經食油香宰羊孝服
白布長大如道袍腰繫白布鞋亦以白布幔之至四
十日滿族戚本日來弔富者皆以白布散給又以錢
散貧人送奠儀者皆折半與之錢以代酒食
過年每三年縮一月以有閏也西人不知閏法故但
以十二月爲則過年之末月謂之閉齋一月滿然後

開齋開齋之日則新年第一日也以見月爲度大畧前月大盡則在初三小盡則在初四其閉齋之一月鷄鳴用飯至日落復飯日中卽水亦不飲然惟誦經及老成人能之其餘三日五日或私開矣過年之日先至寺禮拜總掌教以油香食之遂至墳上誦經乃至本莊拜年互食油香貧者麥仁飯次日乃至各莊開齋之後七十日謂之小過年如漢俗之清明亦至寺禮拜墳上誦經富者殺羊或殺牛散送本莊如去歲壬子閏四月初三日開齋其小過年則六月十二循化志

卷七 風俗

二十九

日也

閉齋一月之先十五日轉巴提拉掌教副掌教小掌教等至各家誦經家中人皆跪伏掌教令接躲各人皆以手對捧在面前隨以手擦面一下而畢請掌教食油香交布施

物產

五穀附城左右多種青稞小麥大麥而大麥尤多豆則小莞豆小扁豆白莞豆蠶豆綠豆園中間有種刀豆者秋田種大糜子穀子其喬麥則青稞割後方種惟此爲兩收起臺堡近大山地氣較冷惟種青稞小麥而青稞爲多亦有小莞豆不種秋田西番上隆務下隆務等寨亦種青稞小麥小莞豆白莞豆秋田亦種小穀子阿巴拉合兒等寨及南番多以牧放爲生種地者少間有種者惟種青稞

循化志

卷七

物產

三十

菜蔬則本城保安起臺邊都皆有葫蘆芥子隆務寨亦間有之白菜多而佳惟紅莊撒喇種之花椒與川椒稍遜別工之花椒則不及也良番人多種蘿蔔紅白二色其附城左右則菠菜瓠子芹菜 茄子黃瓜菜瓜葫蘆西瓜葱韭蒜苜蓿山藥園中皆有之樹則白楊沙柳榆樹爲多楊柳槐亦有之隆務畢堂諸山有松樹栢樹樺樹青剛木隆務以西有宗務山極高大去河二十里樹木甚多今循城所燒薪木皆自山運至河編筏順流而下木極堅實圍四五寸長

丈餘價不過四五文錢也有大工營建木料亦取資于彼

菓則桃杏蘋菓櫻桃林檎棗子葡萄佳核桃尤佳出積石關者皮薄梨名爲長把梨者味酸有一種形尖者名油交團頗甘其至冬熟者名冬菓形圓味尤佳番地出延壽菓

花卉則牡丹芍藥桃杏梨菊石竹罌粟皆間有而葵花尤多

打兒架山上野花極繁多不知名惟牡丹芍藥可指

循化志

卷七

物產

三十一

數其餘五色燦爛如錦

保安上李屯獨產黃牡丹

石則距城十里街子工饅頭山出白者稍瑩如白瑪腦爲器玩亦可觀但質軟耳又有白石天然大小如假山又有青石出河岸質堅扣之聲清越磬材也魚河中甚多回民不知漁無取之者營中時釣數尾其數有鮎魚白魚鯉魚垢魚口大而唇反無鱗以其不淨故呼爲垢

獸則虎狼人熊鹿熊山中皆有鹿獐尤多亦有麝香

山羊黃羊野鷄兔子野牛無驪而有角
畜則髦牛髦牛仝家牛生者爲犏牛犏牛仝髦牛生
者爲哈力巴家牛仝犏牛生者亦爲哈力巴哈力巴
仝各牛生者爲犏犏子羊則棉羊而尾小馬豬狗鷄
俱與內地同惟無鶯鴨白莊街子工二處近年抱鴨
漸多
貨則黑褐白褐白氈沙毡撒喇絨雖有名此地實不
出出於狄道

循化志

卷七

物產

三十二

靈湫山下產鷄瓜黃連蓋此山以南如保安營堡明
季以前皆屬川省云